

2021 წლის არჩევნებთან დაკავშირებით შპს სამაუწყებლო კომპანია “ფორმულას“ დაკვეთით ჩატარდა საზოგადოებრივი აზრის კვლევა, რომელიც განახორციელა საერთაშორისო კომპანია Edison Research-მა (www.edisonresearch.com). Edison Research არის ავტორიტეტული და მაღალი პროფესიული სტანდარტის მქონე ორგანიზაცია, რომელიც იცავს საერთაშორისო დონეზე აღიარებულ პროფესიული ქცევისა და ეთიკის ნორმებს. ამ მიზნით, AAPOR (American Association of Public Opinion Researchers)-ის ეთიკის სტანდარტების დაცვითა და საქართველოს კანონმდებლობის მოთხოვნათა დაცვით, წარმოდგენილია შემდეგი ინფორმაცია:

1. **დამკვეთი:** შპს „სამაუწყებლო კომპანია “ფორმულა“ (ს/კ: 405345666), მისამართი: ვაჟა ფშაველას გამზ. N45, თბილისი, 0177, საქართველო.
2. **კვლევა ფასიანია თუ უფასო:** კვლევაში მონაწილე რესპონდენტები არ იხდიან რაიმე სახის საფასურს და გამოკითხვა არის უფასო. კვლევას, სახელშეკრულებო თანხის სანაცვლოდ (ფასით) ახორციელებს Edison Research, შპს „სამაუწყებლო კომპანია ფორმულას“ დაკვეთით.
3. **ორგანიზაცია, რომელმაც ჩაატარა კვლევა:** სახელწოდება ოფიციალური რეგისტრაციის მიხედვით: Edison Media Research, Inc; მისამართი: 6 ვესტ კლიფ ქუჩა, სამერვილ, ნიუ ჯერსი 08876, ამერიკის შეერთებული შტატები.
4. **კვლევის ჩატარების დრო:** 12.09.21-26.09.21
5. **გამოკითხვის მეთოდი:** პირისპირი გამოკითხვა.
6. **გამოყენებული კითხვების ზუსტი ფორმულირება და თანმიმდევრობა:**
 - A1. როგორ ფიქრობთ, ზოგადად ჩვენი ქვეყანა ვითარდება სწორი თუ არასწორი მიმართულებით?
 - A2. მომდევნო რამდენიმე წელზე ფიქრისას, რა განწყობა აღწერს საუკეთესოდ იმას, თუ რას გრძნობთ თქვენი და თქვენს გარშემო მყოფი ადამიანების ცხოვრებაზე?
 - A3. 2021 წელს დაგეგმილ, ადგილობრივი თვითმმართველობის არჩევნებზე რომ ვისაუბროთ, რამდენად სავარაუდოა, რომ მონაწილეობას მიიღებთ ამ არჩევნებში? წახვალთ ხმის მისაცემად?
 - A5. დღეს, რომ ადგილობრივი თვითმმართველობის არჩევნები ტარდებოდეს, რომელ პარტიას მისცემდით ხმას?
 - A7. რამდენად დარწმუნებული ხართ თქვენს არჩევანში?
 - A9. დღეს, რომ თბილისის მერის არჩევნები ტარდებოდეს, ვის მისცემდით ხმას? [როტაცია] [მხოლოდ თბილისი]
 - A11. თქვენს ქალაქში, მერის არჩევნები დღეს, რომ ჩატარებულიყო, ვის მისცემდით ხმას, თუ წარდგენილი იქნებოდა: [ჰკითხეთ მხოლოდ რესპონდენტებს რეგიონებში] [როტაცია]
 - E1. ახლა წაგიკითხავთ ზოგიერთი ქართული ინსტიტუციისა და დაწესებულების სახელს, თქვენ კი გთხოვთ მითხრათ, რამდენად ენდობით ან არ ენდობით თითოეულ მათგანს
 - D8. ახლა წაგიკითხავთ ზოგიერთი ქართველი პოლიტიკოსის სახელს. გთხოვთ, მითხრათ, როგორია თქვენი აზრი თითოეული მათგანის შესახებ?

E.19.8. თქვენი აზრით, ხდება თუ არა ხელისუფლების მხრიდან სასულიერო პირების პირადი ინფორმაციების ფარული მოსმენა რათა შემდგომ, ჩანაწერების პოლიტიკური მიზნებისთვის გამოყენება მოხდეს?

E.19.9. უნდა გადადგეს თუ არა თანამდებობიდან სუს-ის (სახელმწიფო უსაფრთხოების სამსახურის) ხელმძღვანელი გრიგოლ ლილუაშვილი, ჩანაწერების სკანდალთან დაკავშირებით?

7. **შესაძლო ცდომილების ფარგლები:** შესაძლო ცდომილება +/-2.5% მთლიანი ქვეყნისთვის და +/-3.4% თბილისისთვის, 95%-იანი სანდოობის დონისათვის.
8. **კვლევაში წარმოდგენილი პოპულაცია/კატეგორია:** საქართველოს მოსახლეობა, რომელთაც აქვთ არჩევნებში მონაწილეობის უფლება, არიან 18 წლის ან მეტის.
9. **შერჩევის არეალი:** საქართველო (გარდა აფხაზეთისა და სამაჩაბლოს ოკუპირებული ტერიტორიებისა).
10. **შერჩევის ზომა:** 1500.
11. **შერჩევის ტიპი:** შემთხვევითი შერჩევა (არჩევნებში მონაწილეობის უფლების მქონე ყველა ადამიანს აქვს თანაბარი შანსი, რომ მოხვდეს შერჩევაში).
12. **მოხდა თუ არა მონაცემების შეწონვა:** დიახ, მოსახლეობის აღწერის სტატისტიკური მონაცემების მიხედვით, სქესის, ასაკის, რეგიონისა და განათლების პარამეტრებით.
13. **კვლევაში გამოკითხულთა რაოდენობა და შერჩევის მეთოდი:** 1500 რესპონდენტი, 18+ წლის არჩევნებში მონაწილეობის მიღების უფლების მქონე, შემთხვევითი შერჩევის მეთოდით შერჩეული რესპონდენტები.
14. **ეფუძნება თუ არა კვლევა ყველა გამოკითხულის აზრს:** შედეგები ემყარება რესპონდენტების პასუხებს კითხვარებზე, რომელიც გამიზნულია ასახოს კვლევაში მონაწილე თითოეული რესპონდენტის მიერ გაკეთებული არჩევანი კონკრეტულ საკითხებზე. მონაცემები მოიცავს ყველა რესპონდენტის მოსაზრებას, რომელმაც მონაწილეობა მიიღო კვლევაში.

15. იმ რესპონდენტთა რაოდენობა, რომლებმაც უარი განაცხადეს გამოკითხვაში მონაწილეობაზე, არ გასცეს კითხვას პასუხი ან რომელთა გამოკითხვაც ვერ მოხერხდა:

	რაოდენობა	%
1. არავინ ცხოვრობს	190	რესპონდენტისგან დამოუკიდებელი უარი
2. არავინ აღებს კარს, სახლში არავინაა	116	4.4%
3. ადამიანი ვისაც დავეკონტაქტეთ უარს ამბობს თანამშრომლობაზე	431	16.4%
4. ადამიანი ვისაც დავეკონტაქტეთ უარს ამბობს თანამშრომლობაზე კორონავირუსთან დაკავშირებული საფრთხის გამო	216	8.2%
5. დაბადების დღის მიხედვით შერჩეული რესპონდენტი სახლში არ არის	40	1.5%
6. შერჩეული რესპონდენტი უარს ამბობს ინტერვიუზე	144	5.5%
7. არ შეუძლია პასუხის გაცემა (ნასვამი, ავადმყოფი, და ა.შ.)	39	1.5%
8. არ შეეფერება მოთხოვნას (არ აქვს ხმის მიცემის უფლება)	199	რესპონდენტისგან დამოუკიდებელი უარი
9. შერჩეული რესპონდენტი ყოველდღე გვიან ბრუნდება და მასთან დაკონტაქტება შეუძლებელია	105	4%
10. ენობრივი ბარიერი	16	0.6%
11. სხვა მიზეზი	14	0.5%
12. წარმატებული ინტერვიუ	1,500	57.2%
ჯამი	3, 010	100%

16. ინფორმაცია სხვა ნებისმიერი ფაქტორის შესახებ, რომელმაც შესაძლოა მნიშვნელოვანი გავლენა მოახდინა შედეგებზე: მონაცემები ეფუძნება 12.09.21-26.09.21 არჩევნებში მონაწილეობის მიღების უფლების მქონე 18+ წლის შემთხვევითი შერჩევის მეთოდით გამოკითხულ 1500 რესპონდენტთა აზრს. დამატებითი ინფორმაციისთვის დაუკავშირდით: info@edisonresearch.com. www.edisonresearch.com